

## **Maanna 2025-mi kommunalbestyrelsimut qinersinermut allakkatigut taasisinnaalerputit**

Pissutsit nalinginnaasut atuutsillugit ullormi qinersivimmi, tassa 1. april 2025, taasivissamut ornigulluni taasiartortoqassaaq. Ullormi qinersivimmi taasiartorsinnaanngikkuit - ilungersorujussuaqqaarlutilluunniit taasiartortariaqassaguit - allakkatigut taasinissannut periarfissaqarputit. Tassa imaappoq taasivissanut tulliullugit taaneqartunut saaffiginnillutit taasisinnaavutit, taasinerillu kommuninnut nassiunneqassaaq.

Aammattaaq nunaqarfinnik aqutsisunut atatsimoorussanut kiisalu ilagiit sinniisaannut allakkatigut taasisinnaavutit.

### **Malugiuk**

Allakkatigut taasineq taasivimmit nalunaarsorneqarfigisimasannit tiguneqareersimassaaq qinersisitsineq naatinngu, tassa ullormi qinersivimmi 1. april 2025 nalunaaqutaq 20.00 nallertinnagu. Taamaammat piffissaalluartillugu allakkatigut taasinissaq kaammattuutigineqarpoq. Qinersisitsinerup naannginnerani allakkatigut taasivivut taasiviusumut tunniunneqarsimanissaa illit akisussaaffigaat.

Sullissivimmut kiisalu nunaqarfiit allaffiinut saaffiginninnikkut allakkatigut taasineq pillugu paasissutissat pissarsiarineqarsinnaapput.

### **Taasiviit**

Sumiinnerit apeqqutaalluni taasiartorfissaqarputit:

- Qinersisartut napparsimmavimmi imaluunniit peqqissartarfinni paarineqartarfinniluunniit allani uninngasut, napparsimmavimmi uninngaffigisaminniluunniit taasisinnaapput.
- Qinersisartut Kalaallit Nunaanni pinerluttunik isumaginnittoqarfiup inissiisarfiini inissinneqarsimasut inissinneqarfigisaminni taasisinnaapput.
- Qinersisartut inoqarfinni avinngarusimasuni immikkut taasiartorfiunngitsuni najugaqartut qinersinermik siulersuisunit taasissutinik tigooraasussatut toqqarneqarsimasumut taasisinnaapput.
- Mittarfeqarfimmiikkuit, silasiorfimmiikkuit assigisaannilluunniit kommunit agguataarnerisa avataaniikkuit, taasinerit inummut Taasinermut Ataatsimiititaliamit piginnaatitaasumut tunniussinnaavat

- Naalagaaffiup ilaani allamiikkuit (Danmarkimi imaluunniit Savalimmiuni) inunnik nalunaarsuiffimmut imaluunniit inummut Taasinermut Ataatsimiititaliamit piginnaatitaasumut taasinerit tunniussinnaavat
- Naalagaaffiup (Kalaallit Nunaata, Danmarkip Savalimmiut) avataaniikkuit danskit aallartitaqarfiannut konsuleqarfiannulluunniit taasinerit tunniussinnaavat
- Umiarsuarmi Kalaallit Nunaanni angerlarsimaffeqartumi issimaguit taasinerit umiarsuup naalagaanut imaluunniit inummut umiarsuup naalagaanit toqqagaasumut taasinerit tunniussinnaavat

## Taasineq

Taasivissani siulianiittuni taasinermik tiguisussamut saaffiginnikkuit makkuninnga tuninineqassaait:

- taasivissaq
- allakkat puuat
- allagaq malittaasoq
- kiisalu allakkat puuat aneq ataatsimut puussaaq

Taasivissami qinigassanngortittup partiilluunniit Inatsisartunut kommunalbestyrelsimulluunniit isertikkusutavit aqqa allassavat.

Taasereerniaruit allagaq malittaasoq immersussavat. Taanna makkuninnga imaqassaaq:

- Qinersisartup nammineq piumassutsiminik allanillu isigineqarani pappiaramik taasivimmik immersuisimaneranik, puussaanut ikisisimaneranik taassuminngalu matusisimaneranik uppersaat. Ullormi qinersivimmi taasivimmut ornigunnissavit ajornartornera ilungersunartorujussuuneraluunniit unneqqarillutit uppersassavat. Taasivimmik tiguisusaaq najuutsillugu allagaq malittaasoq atsiussavat. Allakkami malittaasumissaaq atsiornivit ullulerneranut atatillugu allassavatit aqqit tamarmiusoq, ulloq inuuiit, atorfiit kiisalu najukkat

- Uppersaat taasivimmik tiguisup uppersagaa

Allakkat puuat taasivimmik allakkamillu malittaasumik imalik allakkat puannut annermut ikineqassapput, taannalu matuneqarluni kommunimut illit taasisussatut nalunaarneqarfigisannut qaatiguuliorneqassalluni. Allakkat puuata annerup tunuani aqqit najukkallu allassimassaaq. Taasinermik tiguisup taakku tamaasa kommuninnut nassiutissavai, taassumalu ullormi qinersivimmi qinersisitsineq naatinnagu tiguisimassavai.